

辛壬春秋

王士珍題



染



K257
42
(7)

辛壬酉

袁大總統畧史第三十四上

民國第一任大總統袁公世凱。此篇列於革命源流之黨革命之成後最有意見袁亦革命功由於袁也。

河南項城人。謚端敏欽差大臣甲三從孫。謚文誠刑部侍郎保恆從子也。生咸豐九年八月二十日。世居縣北張營。因亂徙居營東二十里築寨聚處。是日袁寨。本生父保中。父保慶。均甲三從子。保慶常隨甲三暨毛昶熙轉戰皖豫間。年四十無子。因以爲嗣。常隨父官山東江南諸境。未幾保慶卒於江南鹽巡道官所。扶喪歸里。同治十三年。保恆歸省。見而異之。攜入都讀書。世凱饒膂力。精技擊。好駿馬。在江南。年十二三。暇即

畧史
卷三十一
控馬怒馳登覽清涼山雨花臺諸勝諸兄懼其顛戒止之不能從也及來京保恒使學爲應試文字而世凱好讀兵書師禁之學愈力光緒三年大饑保恒奉朝命主河南賑務世凱年十九攜與同行委勘要案事皆當理時值隆冬馳驅冰雪手面皴裂無少懈四年夏保恒嬰時疫卒世凱乃檢查未竟事及委員查賑情形詳加簽註密移涂撫宗瀛宗瀛甫下車卽劾罷骯骯牧令數人咸服其神而不知發自世凱世凱性蹠跑任俠喜爲人鳴不平慷慨好施與常結社砥礪詩文一時寒士皆賴以資給旣兩應鄉舉不第遂傾篋中詩文焚之曰男

兒自有大業可作爲烏能齷齪久事此會廣東水師提督吳長慶防海登州乃以故人子往投之光緒六年委員會辦營務至八年夏而朝鮮事起

項城以駐韓發迹
韓事爲中國失屬

喪地變法興學革命之主因革命史中詳敘韓事者職是故也若但視爲鋪敘項城則義狹矣

初朝鮮

王無子以其弟李呈應子熙爲繼呈應有雄畧執政柄
境內晏然所謂大院君也及熙長寵閔妃妃險鷙奪呈
應權以戚黨諸閔代之貪殘驕侈軍民交怨會饑軍譁
潰亂民附之呈應陰嗾亂民戕諸閔曳妃出宮將殺之
遇救免當亂黨初起波及日本僑民日欲發兵平亂勢
岌岌時韓臣金允植魚允中因事在津乞援於北洋大

臣張樹聲樹聲入告朝命吳長慶督師東渡七月世凱與水師統領丁汝昌先至韓海邊履勘陸軍登岸處中途潮退舟膠於灘赤足履沙石行踵趾皺裂汝昌笑曰紈絰少年亦能若是耶華兵遂由馬山浦登岸入朝鮮國都時道員馬建忠建議載呈應赴華再捕治餘黨長慶令世凱密爲部署及呈應答拜來營護從甚盛世凱遣兵阻於外引呈應入與長慶筆談呈應寒暄畢覺有異書曰將軍將作雲夢之遊耶長慶猶豫不忍發世凱握刀在側曰事已露遲則生變卽促人扶呈應入肩輿星夜趨馬山浦送天津安置連夜捕治亂黨誅其魁十

餘人朝鮮大定日海軍遲一日至頓兵海口錯愕不能

發遂締約歸好焉清軍久不經戰事軍紀廢弛而長慶

所部多舊侶驕縱姦掠不法世凱慮玷國體遠人離心

寫項城幼年權畧卽如
此真治世之能臣也

請長慶嚴禁之諸將恚甚屢譏

世凱世凱請長慶行營見兵丁掠品纍纍然委棄道路

間世凱曰是特其粗劣者耳王師戡亂紀律若斯不遺

笑藩封乎帥其勉旃請從此辭矣長慶變色謝卽檄世

凱總理前敵營務便宜行事初閔妃攜其子匿忠州閔

應植家韓廷謂其已死爲發喪亂定知妃所在除服迎

還華官往賀有武弁凌駁韓人者世凱執將戮之長慶

親造其室乞貸其死坐久不去世凱以案上圖書請長慶閱視潛出斬之入而請罪長慶大笑曰執法不應若是哉而陰戒其戚族在軍者曰汝等勿犯法袁某不汝恕也由是將士懾服不敢犯秋毫軍威乃震自古英雄事與否恆以其兵有紀律無紀律爲斷初起能成至易解也而後之將兵者恆不可歎韓王經大亂圖維新請於北洋遣德人穆麟德總稅務中書馬建常贊外交皆予秩俸尤重練兵十月王親造長慶營求假世凱爲上將長慶不許王日午來至夕請不已乃許以世凱爲代練新軍世凱草章制編壯丁先立新建親軍繼立鎮撫軍未期年軍容整肅漸成勁旅韓君臣聞蔽遇

外交內政懵無所適從。世凱旣代治其軍爲韓君臣所倚信久之。凡大事無不咨度。因並干涉其內政而指導之。當是時日人方思握韓政權。最忌世凱。世凱治軍嚴。遇韓民則寬。吳長慶屢赴北洋議事。委令盡護諸營將士。益戒飭不敢虐韓民。韓民感戴。十年春。項城之長在練兵其革命亦在練兵。將敘練本國之兵。先敘練朝鮮之兵。骨節靈通。日忌項城。此爲起因其後項城愈進用愈排擊之。直至項城逝世。東報始書曰。東洋之怪傑。公論乃出我國人不思其故。恒以敵國之毀譽爲毀譽。而其所應議者。反置之焉。不幾令外人齒冷哉。

中國與法人開衅。檄吳長慶回防金州。長慶啟北洋留三營防韓。并奏派世凱總理親慶各營營務處兼統慶字營。於是韓王始接統韓軍。五月。長

慶卒金州。自世凱代練韓軍。韓人親日者。受日人煽惑。恥臣屬中國。更延日人代練韓兵千餘人。謀獨立稱帝。名曰開化黨。世凱料韓必大亂。言於北洋。北洋以我方有事越南。難顧及。十月。開化黨首領洪英植。朴永孝。金玉均。朴永教等十數人。請世凱及提督吳兆有總兵張光前晚晏。謀害華官兆。有等疑有變。辭不赴。世凱恐示弱。獨衷甲輕騎往。主人半至。索饌先食。食已。攜朴永孝手至馬前。輕騎歸。黨眾相顧失色。謀不得逞。越二日。洪英植徐載弼復設筵於郵政局。宴閔妃姪閔泳翊等諸戚貴及英法美日領事。中國商務委員。日使稱疾不至。

宴酣局後火起。衆賓出觀。徐載弼率留日學生十餘人突前擊涿翊。涿翊仆地。賓主譁散。洪英植等卽奔入王宮。告王曰：「清兵變。戕涿翊。王及妃大怖。」英植脅王移別宮。金玉均袖出紙筆。執王手逼書日兵入衛。送日使館。日使竹添遂率日兵三百名入宮。拘王及妃世子於景祐宮。矯詔召戚貴老臣閔台鎬、趙寧夏、閔泳穆、尹泰駿、韓圭稷、李祖淵等悉殺之。並殺太監柳在賢於王前。血染王襟。而以洪英植爲右相。朴泳孝典兵。徐光範司外交。朴泳教授都承旨。當亂之初起。世凱聞警。卽率兵馳往。及抵郵局。寂無人。趨王宮。宮門閉。乃集提督吳兆有。

總兵張光前會商救護策。兆有光前以無北洋令，不敢發。世凱不得已，乃電請北洋。北洋以中法戰方急，命堅壁待援。未幾，韓亂益甚。韓廷臣金允植、南廷哲等泣請救。王領議政沈舜澤亦飛書請兵定亂。會韓宮人來報，亂黨將刦王赴海島，立幼君。附日背華。世凱奮袂起曰：「我輩統兵防韓，若失其君，並失其國。咎將焉歸？且韓既附日，亂黨必斷我歸路。合兵攻我，我何由歸？今日之事，我獨當之。如獲咎者，不累及諸君也。」料事如神，求之古人文惟陳湯矯制發

西域兵庶爲近之

卽分兵進攻。兆有光前抄左右。世凱任中路。由敦化門入。亂黨退守樓舍。朴泳孝督日人所練韓軍。

及日兵數十人憑牆夾擊彈雨下世凱奮師仰攻死傷過半會世凱教練之韓軍數百人亦至夾擊之亂黨不支敗逃追蹤至後山坡下地雷突發轟兩卒尸飛空際世凱亦震仆墜坡下負傷躍起仍力戰至日暮聞日兵歸亦收兵方戰酣時吳兆有兵不戰潰走兆有跌足號哭張光前避彈金虎牆下終日不敢出世凱歎曰淮軍暮氣一至此耶自日人代練韓兵與世凱所練者久有隙至是互相仇殺槍聲達旦不已而附日之兵卒敗筆力然亂黨既戰敗王及妃世子乘間逃世凱歸懸賞求王或傳王已遇害人心益驚擾王有庶子年九齡因妃妬

匿民間。世凱乃遣韓臣李應浚迎之。擬立爲監國。應浚行矣。忽報王匿北門廟內。遣華官茅延年往迎之。洪英植朴泳教方刲王奔日本。會吳兆有張光前亦至。王遂率延年衣趨入輿。延年揮韓衛士誅殺洪英植朴泳教。及留日生徒九人。復生捕徐載昌等三人。並誅之。王旣至華營。執世凱手流涕爲言。洪英植朴泳教逼易白衣赴日本也。情味盎然歸熙甫所謂讀太史公文如立千載之人而與之語也時韓重臣均遇害。凡內政外交軍事悉主世凱。世凱上馬督兵下馬草檄。日夜籌策無暇晷。時年二十六。髮爲半白。竹添同館後。韓軍民恨之。更番狙擊。竟夜嚴守。次日遂自焚。

使館遁仁川開化黨金玉均朴泳孝徐光範徐載弼均隨遁既而韓各道援兵雲集王乃還宮王懇世凱仍率所部入宮護之未幾妃及世子亦歸人心漸定世凱旣救王存韓戰勝日使軍民感激沿街巷豎木碑誌功德出則父老婦稚圍隨瞻望丰采馬不得前夜則張燈燃火羅列引導以爲常遠方各社則仿生祠例立銜牌朔望拜祝千古立功外國者皆偏重於威恩則無及此者韓雖奉中國正朔而國內紀載仍用崇禎甲申後第幾年至是始以光緒紀年焉世凱居王宮偏殿下與王一牆隔韓諸部大臣每日環伺白事聽指揮久之日濟師仁川漸衆韓軍民懼甚

世凱極意鎮定之。韓上下倚以自固。初日兵入韓宮。世凱函詰日使竹添不答。至是竹添遁赴仁川。始覆稱率兵入宮由韓王所請。接書未及啟視。貴軍已闖入。不得已應發小槍自衛。世凱覆曰。韓亂臣刦君。恐波及貴部。未便坐視。不圖甫入門。槍礮並發。猶以爲亂黨抗拒。接來函。始知發礮擊我者貴使爲之也。竹添語塞。日人益忌世凱。向政府聲告。世凱妄啟畔端。曲不在彼總理衙門不能辨。詔遣吳大澂續昌來韓案問。世凱厯述變起事實。附列佐證爲書。待諸馬山浦獻之。大澂據以上聞。日本亦遣全權井上馨率兵千餘至韓。大澂等奉使無

全權井上不與議韓王命其臣金宏集充韓全權與議
款約成井上馨卽行韓自光緒二年日本兵艦駛入江
華灣被礮擊乃遣使責問朝鮮並以甘言誘之韓遂與
日私議商約而清政府未之知至是華使在境坐視韓
再與日締約剝奪主權且辱莫大焉而大澂等懵然不
知其爲國恥也韓亂旣已世凱遂告歸卽獻策北洋韓
政治不修迭生變亂宜遴選監國代執其柄不報十一
年正月吳大澂至津語北洋大臣李鴻章曰公向謂張
幼樵爲天下才我見天下才乃袁慰廷耳卽以才可大
周鵬言於朝由是望重中內外稱袁司馬云井上馨之初

至韓也已示意要中國同撤駐韓兵二月日復遣全權使伊藤博文來津議約朝命李鴻章爲全權大臣吳大澂續昌副之先是駐日使臣徐承祖電奏日廷意欲懲治駐韓華將政府敕北洋堅持不許及伊藤至三月約成一中日盡撤駐韓兵二中日均勿代練韓兵三遇有大事中日遣兵互相知照是年夏清如約撤駐韓兵於是在韓實權盡奪韓不啻自主我所遣商務委員與各國領事無異特藩屬之虛名存耳我亡韓之漸層層洗發清晰分明

當是時清醇親王當國爲德宗生父以故廷議欲釋李是應歸諷韓王賚奏陳情時清軍旣撤韓以華爲不足